



Broj: 01-04-739/25-AP-3
Datum: 08.04.2025. godine

ZAPISNIK (IZVOD)

sa 1. Tematske sjednice Gradskog vijeća Zavidovići koja je održana, dana 08.04.2025. godine (utorak) sa početkom u 16:00 sati u Velikoj sali zgrade gradskih organa Grada Zavidovići.

Sjednici Gradskog vijeća prisustvovalo 29 vijećnika: Avdičević Amer, Avdičević Zahid, Bašić Mirela, Buljubašić Demir, Čosić Omer, Dendić Sanela, Deliće Elvira, Džindo Asim, Fejzić Rijad, Fojnica Admir, Hadžić Amira, Huskić Elvedin, Huskić Hasib, Hodžić Haris, Ikanović Dževad, Jalmanović Sanel, Javrić Bajro, Jupiće Amra, Karajbić Anes, Mujkić Amir, Pašić Indira, Polić Ajdin, Sinanović Asim, Sinanović Azra, Skejić Šemsudin, Šehić Semir, Šimšić Igor, Tursić Amir i Amir Mehić.

Ostali prisutni: Gradonačelnica Erna Merdić Smailhodžić, Sekretar Gradskog vijeća - Samira Pinjić, Sekretar gradske uprave - Nermin Čahtarević, Pomoćnik gradonačelnice Službe za upravu društvenih djelatnosti, pitanja boraca i opću upravu - Idriz Alihodžić, Pomoćnik gradonačelnice Službe za upravu poljoprivrede, vodoprivrede i komunalnih poslova - Idriz Alihodžić, Midhat Bajramović - Pomoćnik gradonačelnice Službe za upravu finansija, budžet i trezor, Izet Bašić - Pomoćnik gradonačelnice za upravu civilne zaštite, Amer Halilović - Direktor JKP „Radnik“ d.o.o. Zavidovići, Mesud Čamdžić - Predsjednik Skupštine JKP „Radnik“ d.o.o. Zavidovići, Senad Dendić - član Skupštine JKP „Radnik“ d.o.o. Zavidovići, Meliha Šabić Kalabić - Predsjednica Nadzornog odbora JKP „Radnik“ d.o.o. Zavidovići, Ismeta Šabić - član Nadzornog odbora JKP „Radnik“ d.o.o. Zavidovići i Munever Parić - član Nadzornog odbora JKP „Radnik“ d.o.o. Zavidovići.

Zapisnik i ostale administrativno - tehničke poslove obavljalo - Dženan Čatić - lice na stručnom osposobljavanju u službama za upravu i posebnim službama Grada Zavidovići.

Poslove videosnimanja i livestreama vršio državni službenik Ines Avdić - Stručni saradnik za informatiku, poslove administratora i računarske mreže, Stručna služba gradonačelnika.

Ispred sredstava informisanja sjednici prisustvovali: Željko Šlipogor - „Radio 1503 Zavidovići“ d.o.o. Zavidovići.

Na osnovu člana 61. Poslovnika o radu Gradskog vijeća Zavidovići, predsjedavajuća Gradskog vijeća, predložio dnevni red 1. Tematske sjednice Gradskog vijeća, kao slijedi:

Dnevni red:

1. Tematske sjednice Gradskog vijeća Zavidovići na temu: „Informacija o stanju u JKP „Radnik“ d.o.o. Zavidovići.

(uvodničari: Izet Bašić, pomoćnik gradonačelnika Službe za upravu poljoprivrede, vodoprivrede i komunalnih poslova i Amer Halilović, direktor JKP „Radnik“ d.o.o. Zavidovići).

Predsjedavajuća daje na glasanje predloženi dnevni red 1. Tematske sjednice Gradskog vijeća Zavidovići.

Nakon provedenog glasanja Predsjedavajuća konstatuje da je dnevni reda 1. Tematske sjednice Gradskog vijeća Zavidovići sa 28 glasova ZA, 0 PROTIV, 0 UZDRŽANIH, (odsutan: Amir Mehić) dobio potrebnu većinu te je isti usvojen.

Rad po dnevnom redu

Ad.1 1. Tematske sjednice Gradskog vijeća Zavidovići na temu: „Informacija o stanju u JKP „Radnik“ d.o.o. Zavidovići.“

Uvodno izlaganje: Izet Bašić, Amer Halilović, Erna Merdić Smailhodžić.

Predsjedavajuća Gradskog vijeća otvara raspravu.

U raspravi učestvuju: Hodžić Haris, Erna Merdić Smailhodžić, Hasib Huskić, Šemsudin Skejić, Elvedin Huskić, Asim Džindo, Admir Fojnica.

Gradonačelnica je u svom izlaganju predložila slijedeće:

„S tim u vezi (reciklažno dvorište u kolonama) kotlovnica bi mogla biti smještena u tom dijelu Grada, na zemljištu koje ima Javno komunalno preduzeće na koje se veže zemljište u vlasništvu Grada, što bi bilo dovoljno da se smjeste ti kotlovi. Dakle postoji varijanta da sami dignemo krediti i isfinansiramo tu investiciju, to je dakle jedno od tih rješenja, dignemo kredit, napravimo kotlove i dovedemo na ovu stranu Grada.

Druga stvar je da ulazimo u investiciju sa nekim od privatnih preduzeća. Te pri tome ne mislim na javno-privatno partnerstvo, nego mislim da se razmisli o mogućnosti da se zemljište koje je u vlasništvu Komunalnog preduzeća i zemljište koje je u vlasništvu Grada, parcele su jedna do druge, dadne određenom investitoru da za nas napravi kotlovnicu a da iznad napravi stambeno poslovnu zgradu i to je jedna od varijanti na ovu temu, ali naravno pod uslovom da kotlovnica ostane pod vlasništvom Grada i kojom upravljamo Mi odnosno Komunalno preduzeće.

Treća varijanta je u pravom smislu javno-privatno partnerstvo odnosno da damo nekom privatniku da on napravi u tom slučaju bi on diktirao cijene, u smislu da otplate svoju investiciju i sada nakon otplate da li bi ta kotlovnica prešla ponovo Gradu na upravljanje to je nešto drugo. I četvrta varijanta po meni najgora da što kaže direktor da ništa ne radimo i da to sve stane.

Što se mene tiče ja mislim da je najbolja varijanta da Vijeće zaduži mene kao Gradonačelnicu, Upravu preduzeća, Službu, vas, ja bih voljela da se neki i od vas uključe, bilo bi po meni dobro da se uključe vijećnici iz svih stranaka, nije ni važno koliko će to tijelo biti, da se uključimo i da porazgovaramo na tu temu sa privatnicima. Da vidimo da li bi na tom zemljištu JKP „Radnik“ i zemljištu Grada koja su jedno uz drugo, da li bi bilo zainteresiranih da za račun tog zemljišta naprave kotlovnicu, ne možemo ih osloboditi rente ali ih možemo subvencionirati, dakle oni bi platili Gradu rentu, a mi im možemo vratiti rentu za kupovinu tih kotlova tako da za nas odrade taj posao. Eventualno, sve će dakle matematika pokazati, ako im budemo dužni možemo im doplatiti, tako da ja mislim da bi to bilo najbezbolnije rješenje. Ja jesam za kreditno zaduženje, ali smatram da mi imamo toliko gorućih problema, grijanje je samo jedan od njih, a to je dakle vodosnadbijevanje, to je infrastruktura, nije to dakle samo grijanje. Druga varijanta dakle ako ovo ne uspije i jeste kreditno zaduženje, da predložimo neko kreditno zaduženje, da u okviru nekih drugih stvari koje bi radili da predložimo i to grijanje. Pa evo predlažem da nakon ovih prijedloga održite jednu pauzu pa da razmislite u kojem smjeru ćemo ići, koja zaduženja ćete nama dati, da li da pripremamo kreditno zaduženje ili da ipak obavimo neke razgovore i da mi vama već u narednih 30-60 dana damo povratnu informaciju.“

Predsjedavajuća Gradskog vijeća daje pauzu u trajanju od 5 minuta (pauza).

Nastavak rasprave.

U raspravi učestvuju: Amra Jupiće, Zahid Avdićević, Amir Tursić, Omer Ćosić, Amer Avdićević, Šemsudin Skejić, Igor Šimšić, Amira Hadžić, Semir Šehić, Asim Sinanović, Erna Merdić Smailhodžić, Izet Bašić.

Predsjedavajuća Gradskog vijeća zatvara raspravu.

Predsjedavajuća Gradskog vijeća daje pauzu u trajanju od 15 minuta, te poziva članove Kolegija Gradskog vijeća da se povuku na usaglašavanje zaključaka u Malu salu zgrade gradskih organa Grada Zavidovići, (pauza 15 minuta)

Predsjedavajuća Gradskog vijeća predlaže usaglašene Zaključke Kolegija Gradskog vijeća koji glase:

ZAKLJUČAK

1. Gradsko vijeće Zavidovići zadužuje JKP „Radnik“ d.o.o. Zavidovići da za sjednicu Gradskog Vijeća u maju pripremi prezentaciju Projekta izgradnje Filterskog postrojenje za preradu pitke vode na vodovodu „Suha“ Grada Zavidovići i potrebnim finansijskim sredstvima za realizaciju predmetnog projekta.

2. Gradsko vijeće Zavidovići zadužuje JKP „Radnik“ d.o.o. Zavidovići da za sjednicu Gradskog Vijeća uz tačku dnevnog reda o vodosnabdijevanju koja je planirana u maju pripremi analizu i prijedlog mjera za smanjenje potencijalnih redukcija.

3. Gradsko vijeće Zavidovići zadužuje Gradonačelnicu sa nadležnim Službama da pripreme svu potrebnu dokumentaciju i prijedloge Odluka kojim će se izvršiti prijenos prava upravljanja i korištenja vodnih objekata na području Grada Zavidovići u sistemu gradskog vodovoda, javnom komunalnom preduzeću „Radnik“ d.o.o. Zavidovići.

4. Gradsko vijeće Zavidovići nalaže angažovanje nezavisnog subjekta koji će izvršiti analizu stanja opreme JKP „Radnik“ d.o.o. Zavidovići koja se koristi u obavljanju djelatnosti proizvodnje i distribucije toplotne energije, sa akcentom na opremu u kotlovnici „Parnjača“ i kotlovnici „Samačka“ i procjenu mogućnosti dalje upotrebe postojećih kotlova, uz prijedlog hitnih mjera za narednu grejnu sezonu. Da se za te poslove angažuje pravno lice koje je kadrovski i opremom osposobljeno za analizu složenih sistema grijanja i koje je u mogućnosti izraditi detaljan izvještaj sa prijedlogom hitnih mjera. Za realizaciju ovog Zaključka zadužuje se JKP „Radnik“ d.o.o. Zavidovići.

5. Gradsko vijeće Zavidovići zadužuje Gradonačelnicu da na sjednici u maju izvijesti Vijeće o razgovorima sa privatnim firmama o mogućnosti izgradnje kotlovnice na način na koji je to pojasnila i o mogućnostima kreditnog zaduženja.

6. Gradsko vijeće Zavidovići zadužuje Gradonačelnicu sa nadležnim Službama i JKP „Radnik“ d.o.o. Zavidovići da poduzmu sve potrebne aktivnosti na iznalaženju lokacije za realizaciju projekta izgradnje deponije građevinskog otpada kako je to predviđeno Planom upravljanja otpadom 2023-2027. („Službeni glasnik Grada Zavidovići“, broj: 5/2022).

7. Gradsko vijeće Zavidovići zadužuje Gradonačelnicu sa nadležnim Službama i JKP „Radnik“ d.o.o. Zavidovići da poduzmu sve potrebne aktivnosti za realizaciju projekta izgradnje reciklažnog dvorišta kako je to predviđeno Planom upravljanja otpadom 2023-2027. („Službeni glasnik Grada Zavidovići“, broj: 5/2022). Također, da se pokrenu aktivnosti i po ostalim projektima predviđenim prethodno navedenim Planom upravljanja otpadom 2023-2027. („Službeni glasnik Grada Zavidovići“, broj: 5/2022).

Predsjedavajuća otvara raspravu po zaključcima.

U raspravi učestvuju: Haris Hodžić, Hasib Huskić, Šemsudin Skejić, Erna Merdić Smailhodžić.

Predsjednik Kluba vijećnika Haris Hodžić traži pauzu od 5 minuta u ime Kluba vijećnika SDP-a da pripreme prijedlog Zaključka.

Predsjedavajuća daje pauzu od 5 minuta, (pauza).

Nastavak rasprave: Haris Hodžić

Predsjedavajuća zatvara raspravu.

Predsjedavajuća upoznaje Gradsko vijeće sa prijedlogom Zaključka vijećnika Harisa Hodžića, koji glasi:

Z A K L J U Č A K

1. Zadužuje se Gradonačelnica sa nadležnim Službama da u najkraćem zakonskom roku pripremi Prijedlog izmjene i dopune Budžeta Grada Zavidovići za 2025. godinu kojim će se u skladu sa Zakonom o komunalnim djelatnostima ZDK i realnim potrebama obezbijediti novčana sredstva za sufinansiranje niže cijene usluga od ekonomske cijene usluga komunalnom preduzeću JKP „Radnik“ d.o.o. Zavidovići.

Predsjedavajuća daje na glasanje Prijedlog zaključka vijećnika Harisa Hodžića. Nakon provedenog glasanja Predsjedavajuća konstatuje da Prijedlog zaključka sa 7 glasova ZA, 14 glasova PROTIV, 6 glasova UZDRŽANO, (odstuni: Amra Jupić, Ajdin Polić) nije dobio potrebnu većinu te isti nije usvojen.

Predsjedavajuća daje na glasanje Prijedlog zaključaka koje je usaglasio Kolegij Gradskog vijeća.

Nakon provedenog glasanja Predsjedavajuća konstatuje da je Prijedlog zaključaka sa 26 glasova ZA, 0 glasova PROTIV, 0 glasova UZDRŽANO, (odsutni: Amra Jupić, Ajdin Polić. Nije glasao: Semir Šehić) dobio potrebnu većinu te je isti usvojen jednoglasno i isti glasi:

Z A K L J U Č A K

1. Gradsko vijeće Zavidovići zadužuje JKP „Radnik“ d.o.o. Zavidovići da za sjednicu Gradskog Vijeća u maju pripremi prezentaciju Projekta izgradnje Filterskog postrojenja za preradu pitke vode na vodovodu „Suha“ Grada Zavidovići i potrebnim finansijskim sredstvima za realizaciju predmetnog projekta.

2. Gradsko vijeće Zavidovići zadužuje JKP „Radnik“ d.o.o. Zavidovići da za sjednicu Gradskog Vijeća uz tačku dnevnog reda o vodosnabdijevanju koja je planirana u maju pripremi analizu i prijedlog mjera za smanjenje potencijalnih redukcija.

3. Gradsko vijeće Zavidovići zadužuje Gradonačelnicu sa nadležnim Službama da pripreme svu potrebnu dokumentaciju i prijedloge Odluka kojim će se izvršiti prijenos prava upravljanja i korištenja vodnih objekata na području Grada Zavidovići u sistemu gradskog vodovoda, javnom komunalnom preduzeću „Radnik“ d.o.o. Zavidovići.

4. Gradsko vijeće Zavidovići nalaže angažovanje nezavisnog subjekta koji će izvršiti analizu stanja opreme JKP „Radnik“ d.o.o. Zavidovići koja se koristi u obavljanju djelatnosti proizvodnje i distribucije toplotne energije, sa akcentom na opremu u kotlovnici „Parnjača“ i kotlovnici „Samačka“ i procjenu mogućnosti dalje upotrebe postojećih kotlova, uz prijedlog hitnih mjera za narednu grejnu sezonu. Da se za te poslove angažuje pravno lice koje je kadrovski i opremom osposobljeno za analizu složenih sistema grijanja i koje je u mogućnosti izraditi detaljan izvještaj sa prijedlogom hitnih mjera. Za realizaciju ovog Zaključka zadužuje se JKP „Radnik“ d.o.o. Zavidovići.

5. Gradsko vijeće Zavidovići zadužuje Gradonačelnicu da na sjednici u maju izvijesti Vijeće o razgovorima sa privatnim firmama o mogućnosti izgradnje kotlovnice na način na koji je to pojasnila i o mogućnostima kreditnog zaduženja.

6. Gradsko vijeće Zavidovići zadužuje Gradonačelnicu sa nadležnim Službama i JKP „Radnik“ d.o.o. Zavidovići da poduzmu sve potrebne aktivnosti na iznalaženju lokacije za

realizaciju projekta izgradnje deponije građevinskog otpada kako je to predviđeno Planom upravljanja otpadom 2023-2027. („Službeni glasnik Grada Zavidovići“, broj: 5/2022).

7. Gradsko vijeće Zavidovići zadužuje Gradonačelnicu sa nadležnim Službama i JKP „Radnik“ d.o.o. Zavidovići da poduzmu sve potrebne aktivnosti za realizaciju projekta izgradnje reciklažnog dvorišta kako je to predviđeno Planom upravljanja otpadom 2023-2027. („Službeni glasnik Grada Zavidovići“, broj: 5/2022). Također, da se pokrenu aktivnosti i po ostalim projektima predviđenim prethodno navedenim Planom upravljanja otpadom 2023-2027. („Službeni glasnik Grada Zavidovići“, broj: 5/2022).

8. Zaključak stupa na snagu danom donošenja, a o njegovoj realizaciji starat će se Gradonačelnica, Služba za upravu poljoprivrede, vodoprivrede i komunalnih poslova, direktor JKP „Radnik“ d.o.o. Zavidovići, Skupštine JKP „Radnik“ d.o.o. Zavidovići i Nadzorni odbor JKP „Radnik“ d.o.o. Zavidovići.

9. Zaključak objaviti u „Službenom glasniku Grada Zavidovići“.

Sjednica zaključena u 20:40 sati.

ZAPISNIK SAČINIO

dipl.iur. Dženan Ćatić

OVJERAVA

SEKRETAR GV- a

Samira Pinjić, dipl. pravnik

PREDSJEDAVAJUĆA

GRADSKOG VIJEĆA

Amira dr Hadžić, spec. radiolog